

如渴之誠乎 上優答之○甲辰自午至未日暈○乙巳燕岐幼學成震烱等
上疏請賜額故儒臣韓忠書院禮曹回啓以為書院賜額事係重大不可輕許
上從之○丙午巽方有氣如火光○政院 啓以頃日陳疏人洪以龍不知
何樣入既捧其疏從而訪問則本以北道人來居京裏而納戰馬陞堂上者也
招致本院試讀他疏則僅解文字不成句節決非自製疏者詰問同事人則推
諉於嶺南人呂孝孟而孝孟身死已久詐偽情狀於此彰著合令攸司查覈處
之 上命嚴查科罪初以龍上疏言宋浚吉秉銓不公事 上留中不下一日
於引對時出示疏本曰承旨亦見此疏耶多言銓曹之用人不公矣承旨吳挺
緯曰別無大段詆斥之語矣至是政院啓之如此○戊申 上移御慶德宮初
禮曹定移御節目時以上下服色及 大王大妃王大妃與輦服色請問議諸
大臣及宋時烈宋浚吉等諸大臣以為凡於 敬慕殿行禮必以衰服則今此
奉移時隨駕服色似無異同而 大王大妃方在暮服中與三年喪有別輦
輦儀物當用玄色宋浚吉以為 大王大妃之於 先王實兼母子君臣之義
初既以暮服為定則未知平日服色與儀物果皆純用白色耶五禮儀暮服中
服色必有所磨鍊而 祖宗朝亦必有所已行者惟在禮官考據處之宋時烈